



Approbatio Ordinarii.

Freat pleno alveo, qui dixit, rigabo hortum
plantationum mearum, verè fons sapientiæ,
verbum Dei, à Patre, in Patre manens, ge-
nitum, opus omnino arduum redemptio-
nis humani generis suscipiens, insuper &
semetipsum in cibum & potum cœlestis vitæ hominibus
præbens: Exeat **FONS PATENS DOMUI DAVID**,
fons, ex quo hauritur, nec exhauritur, dans omnibus afflu-
enter in finem, quia fons reficiens, nunquam deficiens:
Fons, cujus aquam qui de petra eduxit, de petra quoque
melle saturavit eos; eos, tunc Israëlitas, nunc genuinos
domûs Davidicæ inquilinos, per domum hanc adombra-
tos, quibus hic fons pretiosus semper exitit, & supra mo-
dum simul speciosus. apertius: prodeat, & typos publicos
percurrans, orbi literario accurrat, liber inscriptus: **FONS
PATENS DOMUI DAVID**, sive **CHRISTUS
JESUS**, in Augustissimo Altaris Sacramento usque ad
consummationem sæculi in verâ Christi Ecclesiâ, tan-
quam domo Dei, perseverans, quem singulari studio ac
labore per Conciones Dominicales totius anni, & aliquot
Festivales, ex eodem fonte derivatas, exhibuit, & deduxit
Admodum Rev. & Eximius Dominus, Dn. **ALBERTUS
PREZ**, Ss. Theol. & Sac. Canonum Doct. Protonotarius
Apostol. Imper. Ecclesiæ ad S. Bartholomæum Francofurti
Can. Capitul. Scholasticus, & Parochus.

Lustravi à primis venis ad ultimum usque decursum
librum sub typo fontis editum, & non tantum nihil inveni,
quod à regulis & dogmatibus orthodoxæ fidei, aut morum
honestate defleceret, sed potius deprehendi illius usum
verbi divini præconibus, aliisque Christi fidelibus quovis
modo utilem ac salutarem futurum, quo magis magisque
laudetur **CHRISTUS EUCHARISTICUS**, qui est
DEUS laudandus, glorificandus, & superexaltandus in
sæcula.

SIGISMUNDUS BERINGER,

Ss. Theol. Doct. ejusdemque Sac. facultatis
Assessor, Eminentissimi Archi-Episcopi, Prin-
cipis Elect. Mog. Consiliarius Eccles. Eccle-
siar. Colleg. ad S. Victor. & S. Crucem resp.
Canon. Capit. & Plebanus, Capituli Rur.
Olmenfis Decanus, Parochus in Weissenau,
Librorum Censor mppr.

Datum Francofurti
7 April 1723.

Applau-